

موضوع الكلام .. مش كده مش ده أهم بند فى الاتفاق
الى بينا .

هو : أيوه صحيح ..

هى : طيب أنت عاوز تكمل الكلام باللهجة دى ؟

هو : لا ...

هى : طيب يا أخى هات أيديك .. وياللا تغير الموضوع
الأسود ده .. مش المفروض أننا لازم نعيش ومادام لازم
نعيش أيه المانع أن أحنأ نعيش سعداء ..

هو : سعداء أزاى ؟

هى : كده ...

هو : كده أزاى ..

هى : تغير .. تغير موضوع الكلام .. تغير المكان ده .
تغير الناس .. يا نتحرك أحنأ .. يا ننحلى الى حوالينا يتحركوا ..
هيه حياة ولا أكثر .. حياة واحدة لازم نعيشها كويس .. على
قد ما نقدر .. أنا شايفة أن الناس عاملين زى الستات مربوطين
قوى .. الست رابطة شعرها رابطة رجلها ورابطة ذراعها كلها
مربوطة علشان كده تلاقى أى واحدة ست عصبية .. وأول حاجة
لما تبقى لو حدها .. أنها ترى كل الأربطة دى وتشعر بسعادة